

AYLLU YACHAYKUNA APANANKUPAQ ÑAWPAQTA WILLACHIKUSPA UYAKUNAMANTA



Ayllu yachaykuna

- ▶ Ayllu yachaykunaqa ayllu runap yachayninkunam, ichaqa Pacha Mamapi tukuy kawsaqkunawan kуска kawsasqankupi paqariq yachaykunam.
- ▶ Chay kawsaqkunamanta ayllu yachaykunaqa hawa runakunapas apakullankumanmi. Chay yachay munaqkunapas yaykumuyta atillankumanmi.
- ▶ Ayllu yachay apaq munaqkunaqa ayllu runakunataraqmi mañakunanku, ayllu munaptinñam apankuman.
- ▶ Kanmi ayllu yachaykuna llapan runap riqsisqan, maypipas riqsichikusqaña; kallantaqmi ayllu runakunallap riqsisqan yachaykuna.

IMATAQ UYAKUY
Ayllu yachaykunata hawa runa apanankupaqa kikin ayllu runakunam licenciata qunanku.

¿Ima ninantaq?

ALLIN WILLASQA
Manaraq apanankupaq uyakuchkaspas allintaraq kaykunamanta willarichikuna:

- ▶ Imatam chay yachaykunawan ruranqaku,
- ▶ imapaqmi munanku,
- ▶ yanqapaqchu apanqakupas,
- ▶ qullqichanqakuchu chay yachaykunawan.

ÑAWPAQMANTA
Yachay apanankupaq uyakunapaqpas manapas ñawpaqmantaraqmi chay mañakuyqa kanan.

Ayllu yachaykunata apanankupaq imataraq ñawpaqta rurananku:

AYLLU YACHAY KACHARINAPAQ ÑAWPAQTAQA ALLINTA WILLARICHIKUNAMANTA:

Pacha Mamawan kawsaykuna ukumanta paqariq ayllu yachaykunata hawaman apanankupaqa kikin ayllu runam uyakunan, autorizanan.

Imayna rurana:

- 1 Yachay apay munaqkunaqa Asamblea huñunakuypim willariwananchik.
- 2 Chaypim lliw tapukusqanchikta ch'uyanchananku.
- 3 Imapaqchá chay ayllu yachaykunata apanqaku chaymanhinam allin yuyayman chayananku, imatas ayllunchik chaskinqa, chaytapas.
- 4 Asambleaallapitaqmi apanankupaq uyakusunchu manachu, chayta qispichina.
- 5 Apanankupaq uyakuspaqa, aktapi churaspam ayllu runa qillqanan.

Qawarinapaq: Mayqan aylluchus kikin yachayniyuq kanman chayqa, paykunamanpas willanallataq, chaymanhina rimanakunapaq.

Manaraq uyakuchkaspas allin willachikusqa kanapaq qawarina:



llapanchik allinta yachanapaq ch'uyata rimanapas qillqanapas.



Kikinichikmanta uyakunapas manapas: ayllu runamanqa manam pipas kamachiwachwanchu, allinpaqpas manapas kikin ayllupunim akllanan.



Ñawpaqtaqa allinta willarichikuspa yachana, manam pipas yukaspachu, llullakuspachu maqayta munaspachu uyachiwachwan.

Colaboradores: